




Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 01-04-569-1/26
Sarajevo, 06.07.2026. godine



SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, dostavlja se.-

V E Z A: Vaš akt broj: 01-04-31246-2/26 od 17.06.2026. godine

Poštovani,

Vašim aktom, broj i datum veze, dostavili ste Kantonalnoj upravi civilne zaštite Kantona Sarajevo zastupničku inicijativu koju je u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, br.: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) na 31. radnoj sjednici Skupštine Kantona Sarajevo održanoj dana 17.06.2026. godine, u okviru tačke Dnevnog reda „Poslanička/zastupnička pitanja, inicijative i odgovori“, uputio zastupnik Faruk Selmanović, i to:

„upućujem inicijativu prema Uredu za borbu protiv korupcije i upravljanje kvalitetom Kantona Sarajevo, Kantonalnoj upravi za inspeksijske poslove Kantona Sarajevo, Kantonalnoj upravi civilne zaštite Kantona Sarajevo i Ministarstvu komunalne privrede, infrastrukture, prostornog uređenja i zaštite okoliša Kantona Sarajevo radi hitnog ispitivanja okolnosti koje se odnose na realizaciju sanacije klizišta Curine njive na području Općine Stari Grad Sarajevo. Od Kantonalne uprave civilne zaštite Kantona Sarajevo se traži da se dostavi sljedeća informacija:

- 1. Da li postoji procjena rizika za stanovništvo i objekte koji se nalaze u zoni potencijalnog uticaja klizišta, te koje su preventivne mjere poduzete od strane Kantonalne uprave civilne zaštite Kantona Sarajevo.“.*

ODGOVOR:

Kantonalna uprava civilne zaštite Kantona Sarajevo (u daljem tekstu: Uprava) i Štab civilne zaštite Kantona Sarajevo (u daljnjem tekstu: Štab) su u skladu sa svojim nadležnostima, u prethodnom periodu (od oktobra 2024. do danas), poduzimali mjere i aktivnosti na spašavanju ljudi i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina uslijed pojave klizišta na lokalitetu Curine njive (Bostarići) i povećanom opasnosti od izlivanja Bistričkog potoka na lokaciji Boguševac. Štab je po navedenom pitanju održao više

sjednica i donio više naredbi i zaključaka, te uvažavajući činjenicu da se klizište na lokalitetu Curine njive nalazi na području Republike Srpske (Opštine Istočni Stari Grad), sve naredbe, odluke, zaključke, informacije i druge akte u vezi klizišta na lokalitetu Curine njive pravovremeno prosljeđivao putem Federalne uprave civilne zaštite Federalnom štabu civilne zaštite, kako bi isti u skladu sa svojim nadležnostima poduzeli neophodne aktivnosti u saradnji sa nadležnim organima i institucijama Republike Srpske na rješavanju predmetnog klizišta. Posebno treba istaći dvije naredbe:

- Naredbu od 09.10.2024. godine kojom se naređuje Zavodu za izgradnju Kantona Sarajevo da odmah izvrši procjenu stanja na lokacijama Curine njive i Bistrički potok, sa aspekta opasnosti uočenim na terenu vezano za pojavu pukotina na zemljištu, sa prijedlogom hitnih aktivnosti i mjera koje se trebaju poduzeti na navedenim lokacijama, a sve u cilju zaštite i spašavanja ljudi i materijalnih dobara. Naredbom je također, naređeno Zavodu za planiranje Kantona Sarajevo, Institutu za geotehniku i geologiju Građevinskog fakulteta u Sarajevu, Prirodno-matematičkom fakultetu UNSA, Šumarskom fakultetu UNSA i Općinskom štabu civilne zaštite Stari Grad Sarajevo, da pruže svu neophodnu stručnu pomoć Zavodu za izgradnju Kantona Sarajevo pri realizaciji navedenih aktivnosti, kao i Zavodu za izgradnju Kantona Sarajevo da odmah nakon izvršene procjene i sačinjavanja prijedloga mjera iste dostavi Općinskom štabu civilne zaštite Stari Grad Sarajevo i Štabu. Općinskom štabu civilne zaštite Stari Grad Sarajevo naređeno je, da kontinuirano vrši neposredni nadzor na navedenim lokacijama, te da poduzme neophodne mjere i osigura lokacije za smještaj ugroženog stanovništva i u slučaju potrebe postupi u skladu sa planom evakuacije stanovništva, te da za eventualne dodatne potrebe na koje ne može odgovoriti obavijesti Štab.
- Naredbu od 01.11.2024. godine kojom se naređuje Općinskom štabu civilne zaštite Stari Grad Sarajevo, da izvrši evakuaciju stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina, na područje općina: Centar Sarajevo, Novo Sarajevo i Novi Grad Sarajevo u objekte navedene u Planu evakuacije i zbrinjavanja stanovništva, a općinskim štabovima civilne zaštite: Centar Sarajevo, Novo Sarajevo i Novi Grad Sarajevo da u saradnji sa Općinskim štabom civilne zaštite Stari Grad Sarajevo, izvrše prihvata evakuisanog stanovništva i materijalnih dobara sa ugroženih područja Općine Stari Grad Sarajevo, MZ Širokača, ul. Bostarići i Ablakovina u objekte navedene u Planu evakuacije i zbrinjavanja stanovništva.

Važno je istaći, da je naprijed navedena naredba donesena na osnovu Zaključka Općinskog štaba civilne zaštite Stari Grad, kojim se utvrđuje da su se stekli uslovi za evakuaciju građana sa područja Bostarića, MZ Širokača, obzirom da se procjenjuje da su ugroženi građani i materijalna dobra na predmetnom lokalitetu, a da se mjere zaštite i spašavanja ne mogu postići na drugi način, te da Općinski štab civilne zaštite Stari Grad traži od Štaba da u skladu sa članom 65. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), naredi evakuaciju stanovništva i materijalnih dobara jer se radi o evakuacije s jedne općine na više općina u Kantonu Sarajevo (navedeni Zaključak Općinski štab civilne zaštite Stari Grad je donio uvažavajući preporuke za provođenje hitnih mjera utvrđenih u Preliminarnom izvještaju Zavoda za izgradnju Kantona Sarajevo od 09.10.2024. godine, kao i preporuke iz Izvještaja o radu Interinstitucionalne radne grupe na procjeni stanja na lokalitetima Curine njive i Bistrički potok sa prijedlogom interventnih i trajnih mjera od 15.10.2024. godine). Također, navedena naredba je donesena nakon što su ispunjeni svi propisani uslovi (Štabu dostavljeni: Odluka o proglašenju stanja prirodne nesreće na području Općine Stari Grad Sarajevo, Plan evakuacije i zbrinjavanja stanovništva sa ugroženih područja Općine Stari Grad Sarajevo, MZ Širokača, ul. Bostarići i Ablakovina u objekte na područje općina: Centar, Novo Sarajevo i Novi Grad, općine: Centar, Novo Sarajevo i Novi Grad izradile i dostavile Štabu akte-planove prihvata evakuisanog stanovništva sa ugroženih

područja Općine Stari Grad Sarajevo u objekte navedene u Planu evakuacije i zbrinjavanja stanovništva).

Štab i Uprava su u prethodnom periodu kontinuirano pružali pomoći Općinskom štabom civilne zaštite Stari Grad Sarajevo i Općinskoj službi civilne zaštite Stari Grad Sarajevo, bili u stalnom kontaktu sa istim, načelnik i članovi Štaba bili su prisutni na sjednici Općinskog štaba civilne zaštite Stari Grad Sarajevo, na sastancima sa građanima sa ugroženih područja, obilazili područja ugrožena od klizišta, organizovali više sastanaka na kojima su bili prisutni predstavnici Ministarstva sigurnosti BiH, Federalne uprave civilne zaštite, Vlade Kantona Sarajevo, Republičke uprave civilne zaštite Republike Srpske, Opštine Istočni Stari Grad i Općine Stari Grad Sarajevo, u cilju preduzimanje neophodnih mjera i aktivnosti, prvenstveno na zaštite i spašavanju ljudi i materijalnih dobara na ugroženom području Općine Stari Grad Sarajevo, MZ Širokača, ul. Bostarići i Ablakovina, kao i poduzimanja neophodnih hitnih mjera kako bi se spriječilo širenje klizišta, te aktivnostima i mjerama koje je potrebno poduzeti na sanaciji klizišta.

U skladu sa naredbama i zaključcima Štaba, Općinska služba civilne zaštite Stari Grad Sarajevo svaki dan, putem Kantonalnog operativnog centra civilne zaštite, Upravi i Štabu dostavlja Izvještaj o stanju na ugroženim lokalitetima na području Općine Stari Grad Sarajevo. Prema dostavljenom Izvještaju o uočenom stanju na ugroženim lokalitetima na dan, 03.07.2026. godine, Služba civilne zaštite Općine Stari Grad Sarajevo je prilikom redovnog obilaska lokaliteta klizišta utvrdila da su na predmetnoj lokaciji i dalje u toku pripremni radovi u okviru prve faze sanacije klizišta u skladu sa Glavnim projektom sanacije klizišta „Curine njive“.

Vezano za korištenje sredstava posebne naknade za zaštitu od prirodnih i drugih nesreća, iz člana 180. Zakona o zaštiti i spašavanju koja pripadaju Kantonu Sarajevo, za sufinansiranja projekata prevencije (sanacije klizišta i čišćenje korita vodotoka na području Kantona Sarajevo), važno je istaći, da se ista mogu samo koristiti u skladu sa uslovima i po procedurama propisanim članom 183. st. (3) i (4) Zakona o zaštiti i spašavanju, kao i tačkom V stav (2) podtačka 3) i tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20). U skladu sa navedenim odredbama Zakona o zaštiti i spašavanju, projekti preventivnih mjera zaštite i spašavanja (sanacije klizišta i čišćenje korita vodotoka na području Kantona Sarajevo) moraju biti utvrđeni u Programu razvoja zaštite i spašavanja Kantona Sarajevo i godišnjem planu realizacije tog programa (godišnjem planu korištenja sredstava posebne naknade Kantona Sarajevo), te da je glavnina sredstava za te projekte prevencije osigurana u budžetu Federacije BiH, kantona ili općine. Navedena tri uslova su kumulativni, što znači da svi moraju biti ispunjeni da bi se sredstva posebne naknade mogla koristiti za preventivne mjere zaštite i spašavanja. O prijedlogu projekata prevencije koji će se sufinansirati iz sredstava posebne naknade odlučuje Vlada Kantona Sarajevo, na prijedlog Uprave uz prethodno pribavljeno mišljenje Štaba.

S poštovanjem,

Dostavljeno:

- Naslovu;
- a/a.

